

Premi Wakker per la Nova Fundaziun Origen

Oz, 10:15, actualisà a las 12:41 CDM / Federico Belotti

La Protecziun da la patria undrescha l'Onn dal patrimoni cultural 2018 la Nova Fundaziun Origen a Riom GR cun il Premi Wakker 2018. La fundaziun e ses festival cultural Origen dettian novas perspectivass al patrimoni architectonic ed uschia ad in entir vitg.



Il premi Wakker 2018 va a la Nova Fundaziun Origen. Keystone

La basa è il patrimoni cultural local che ha grazia ad Origen, in'influenza che surpassa ils cunfins regionalis, scriva la Protecziun da la Patria en ina comunicaziun.

Il Premi Wakker

da la Protecziun da la patria vegn surdà dapi il 1972 mintg'onn ad ina vischnanca. Sco excepziun speziala na survegn l'Onn dal patrimoni cultural 2018 nagina vischnanca, mabain per l'emprima giada in'organisaziun da la societad civila il premi desiderà.

Laschar ir audio « Mezdi: Premi Wakker – intervista cun Giovanni Netzer » . Avrir audio « Mezdi: Premi Wakker – intervista cun Giovanni Netzer » en player extern. Audio

1 Mezdi: Premi Wakker – intervista cun Giovanni Netzer 5:46 min

da Actualitad dals 09.01.2018

Il Premi Wakker



La Protecziun da la patria surdat dapi il 1972 mintg'onn ad ina vischnanca politica u en cas excepziunals ad organisaziuns u uniuns il Premi Wakker. Cun CHF 20'000 ha la summa dal premi in character plitost simbolic; la valur dal premi sa mussa plitost en la renconuschientscha publica d'ina prestaziun exemplarica.

Riom è confruntà cun la midada da structura

La Nova Fundaziun Origen fundada il 2006 e ses festival cultural Origen han lur center a Riom en il Surses. Sco blers vitgs en las regiuns perifericas da la Svizra è era Riom confruntà cun la midada da structura, la depopulaziun e consequentamain cun blers edificis nunutilisads. La dumonda da l'ulteriur diever da la substanza architectonica n'è betg mo a Riom daventada ina sfida decisiva per il svilup local.

Sviluppar in avegnir ord l'agen patrimoni cultural

Ils edificis vids custaivels en il vitg haja la fundaziun vesì sco schanza per l'avegnir, scriva la Protecziun da la Patria. Empè da planisar in nov tempel cultural per ses festival da success, haja la fundaziun decidì da tgirar il patrimoni architectonic sco caracteristica particulara e d'utilisar quel plain respect per novas represchentaziuns.

Nova vita en il vitg

Origen utilischa il patrimoni architectonic a Riom sco fund da resonanza e sco lieu d'acziun e da produziun per s'occupar artisticamain cun il grond stgazi da chanzuns e d'istorgias da la regiun. La fundaziun na chapeschia il vitg muntagnard betg mo sco culissa per ses festival, mabain ha en mira l'activaziun intenziunada da las resursas existentas en il lieu.

Novas perspectivas per il turissem en il territori muntagnard

Partind da l'agen patrimoni cultural saja reussì ad Origen da sviluppar in'attracziun che tanscha lunsch sur ils cunfins da l'atgna vallada ora. Tge che vegn produci a Riom resuna en l'entir chantun, en l'entira Svizra e schizunt a l'exteriur. L'engaschament da la fundaziun saja exemplaric per ils potenzials economics che spetgian en il territori da muntogna da vegnir activads, scriva la Protecziun da la Patria en sia comunicaziun.

Dar nova vita al patrimoni architectonic

Da bell'entschatta tschertga Origen vias da render utilisabel tant a moda pragmatica sco era cun responsabladad il patrimoni architectonic per ses intents, uschia la Protecziun da la Patria. Il chastè da Riom cun muntada simbolica, ma dapi decennis nunutilisà, daventia lieu da represchentaziun independent da l'aura. Per pussibilitar in manaschi durant tut l'onn dettia la fundaziun nova vita al bain da la famiglia - pastizera Carisch che na vegn dapi daditg betg pli duvrà: il clavà daventa lieu da represchentaziun e la villa Carisch foyer e lieu da barat. La chasa da scola serrada serva sco local d'emprova e biro da produziun. Ulteriurs pass preparads ditg ordavant vegnan a suandar.

RR actualitad 11:00

Vischnancas premiadas

Il premi Wakker vegn surdà dapi l'onn 1972. Tschintg vischnancas grischunas han dapi lu survegnì il premi:

1975 Guarda 1995 Spleia 1998 Vrin 2010 Fläsch 2015 Bregaglia



Online-Ausgabe

Radiotelevisiun Svizra Rumantscha
7002 Chur
081 255 75 75
www.rtr.ch

Medienart: Internet
Medientyp: Infoseiten
Page Visits: 134'328

Auftrag: 3005853
Themen-Nr.: 809.002

Referenz: 68079117
Ausschnitt Seite: 3/3



Premi Wakker 2015 per la Bregaglia

3:12 min, Telesguard dals 20.1.2015

Emissiun tar quest artitgel



Laschar ir audio « Bregaglia: Premi Wakker 2015 – live da Vicosoprano » . Avrir audio « Bregaglia: Premi Wakker 2015 – live da Vicosoprano » en player extern. Audio

20.1.2015, 11:45

Total local

Bregaglia: Premi Wakker 2015 – live da Vicosoprano

20.1.2015, 11:45